

Saksprotokoll i fylkestinget - 14.12.2016

Terje Søviknes (Frp) sette fram slikt forslag:

«Alternativt framlegg til vedtak:

1. Hordaland fylkeskommune er positiv til etablering av nye arbeidsplassar i regionen, og ser behovet for ei oppgradering av vegen til Horsøy.
2. Då det ikkje er tatt noko avgjerd om Askøypakke 2, kan fylkestinget ikkje gje sin tilslutnad til denne finansieringsplanen.
3. Hordaland fylkeskommune ber Askøy kommune om å komma attende med ein finansieringsplan som ikkje byggjer på bompengefinansiering, men eit spleiselag mellom fylkeskommunen, Askøy kommune og Schlumberger Norge A/S.»

Røysting

Søviknes sitt forslag fekk 8 røyster (Frp, R) og fall.

Innstillinga fekk 49 røyster (A, KrF, Sp, V, SV, MDG, H) og vart vedteke.

Vedtak

1. Fylkestinget ser positivt på utvikling av industriområde og nye arbeidsplassar generelt, og på Horsøy i Askøy kommune slik det framgår i denne saka.
2. Fylkestinget godkjenner Hordaland fylkeskommune sitt tilskot til prosjektet, avgrensa til 17 millionar kroner. Prosjektet har ei ramme på inntil 100 millionar kr inklusive meirverdiavgift. Tilskotet vil bli omgjort til eit fylkeskommunalt bidrag i ein eventuell Askøypakke 2.
3. Fylkestinget legg til grunn at prosjektet blir tatt inn i budsjett for 2018 / 2019, og eventuelt ei mindre budsjettjustering i 2017.
4. Fylkestinget godkjenner forskotteringsøknaden frå Askøy kommune på vegner av kommunen og Schlumberger Norge AS. Forskottinga er på vanlege vilkår, utan kompensasjon for prisstigning og renter, og som følgjer:
 - Schlumberger Norge AS: forskot 50 mill. kr. Refusjon 25 mill. kr etter 3 år og refusjon 25 mill. kr etter 6 år frå ein eventuell framtidig Askøypakke 2.
 - Askøy kommune: forskot 17 mill. kr. Refusjon frå ein eventuell framtidig Askøypakke 2.
 - Askøy kommune har risikoen dersom Askøypakke 2 ikkje skulle bli realisert, og må i det tilfellet fullfinansiera prosjektet ut over Hordaland fylkeskommune sitt tilskot.